



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : TSEUNG KWAN O GOVERNMENT SECONDARY SCHOOL

学校名称 : 将军澳官立中学

Name of Play 剧名 : 爱「phone」了

Script writer 剧作者 : 潘宝华 (老师)

Synopsis 故事大纲 :

「人与人最远的距离，莫过于你在我身旁，而你却在玩手机」，科技或许令生活质素有所提升，但对人的关系是紧密还是疏离？就让我校同学将现实画面搬上舞台，让那面貌让那感觉由各位判断。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一幕：

(爷、嫲在家中 Sofa，嫲看电视)

爷：伯爷婆、伯爷婆，你睇下我搵到 D 咩？

嫲：你系都要阻住我睇人鱼传说嘅，有咩好睇得过李敏镐呀？

爷：你睇（爷递上照片）

嫲：(望久) 哈.....金秀贤？

爷：你煲韩剧煲到傻佐啦。(摆相中相同姿势)

嫲：你估我真系老懵佐呀，我嘅初恋情人足球健将兼好老公，神射手高佬泉，你化佐灰我都认得妳啦。

爷：果时真系好有型呀可？不过我宜家都唔差呀。我仲搵翻我写俾你果 300 封情信，估唔到你咁痴情

(甜笑)

嫲：上次水浸浸到霉霉烂烂，我话掉佐佢咯，我都嫁佐你 50 年咯，成个人都喺度啦，系你话唔准掉，

呢 d 情怀呢个年代绝迹架啦，之后放落床下底。

爷：梗系唔准掉啦，果时个个话我文武双全，写得一手好字，又踢得又写得，迷倒几多无知少女呀。

嫲：系呀系呀，我就系咁俾你呃返黎。咁你 d 字又系几靚嘅，我呀妈都话你 d 字充满秀气，同个样一 d

都唔衬。

爷：果时呀，孬仔强都叫我帮佢写信追呀珠珠嘅（打开其中一封）你睇下呢度，「那次能够跟你一起共尝
孬仔手牵手，在清水湾看日落实在是我毕生难忘的回忆，只要能跟你一起，苦瓜爷变冰糖，毒药也变
仙丹」。

嫲：果时你次次写三大张纸，我每个星期就等你嘅信，日日睇信箱，一睇到信封系你 d 字嘅，就即刻喺街
度拆。

爷：果份期待反而令到我地更想念更紧密，点似得宜家 d 年轻人女，讯息来讯息佢，覆迟阵就诸多猜疑，
点及得我一字一句绵绵情话。

嫲：咸封年前嘅事啦，讲讲下有 d 口渴添，Julia 斟杯水我饮下啦。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

爷：呢个 **Julia** 成日都唔应人，梗系又挂住笃手机。

嫲：**Julia** 我想要水呀。

J：(哭着脸) 嫲嫲，茶呀！

爷：你又做乜心神恍惚呀，嫲嫲要水呀。

Julia：对不起对不起，我宜家佢斟过。

嫲：你再俾太太知你挂住笃手机唔应人，又做错嘢，佢实闹死你。

爷：闹?炒都有你份呀，你呢排唔系打烂嘢，就糖当盐，醋当茄汁。

Julia：唔好呀爷爷嫲嫲，唔好话俾阿 **Mom** 同阿 **Sir** 知呀，我头家已经无啦，我唔可以无佐份工架。

嫲：咩头家无呀！你上次话你老公可能有第个女人，系真架？

Julia：系呀！我平时约定星期日上午同佢视像通话，果日念住佢生日打俾佢，见到个女人扑上前揽住佢锡
佐佢一啖，佢咩都认晒啦。

爷：男人边信得过架。(嫲作势打爷)

嫲：**Julia** 唔好伤心，成头家不嬲都系你顶晒架，佢到时无钱睇下个女人仲痴唔痴埋去，唔好理果 **d** 臭男人，俾心机做嘢。

(**Julia** 电话讯息响)

爷：快 **d** 睇下，可能系个臭男人「**in**」返你呀。

J：阿 **Sir** 话厕所无厕纸呀（去取厕纸）

爷：真系唔慌唔臭啦（笑）

嫲：阿成系屋企咩？

成：**Julia** 呀！你成日净系笃手机，厕所无厕纸都唔知，好彩我有带手机入去啫。

嫲：你哎出黎咪得嚟。

成：**send** 个 **message** 问下先，**Julia** 你又睇手机（老婆你喺边；喺屋企？）

J：太太搵我呀！佢话佢搵唔到条裙呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

珊：Julia 呀！你成日淨系睇手机，d 衫又乱又摆我咪话佐我今日着黑色果条裙囉（对住成）你喺屋企咩？

嫲：人地以为你 d 仔女本事，买间几千尺嘅屋俾我住。

成：你两个女返黎未呀，我买佐飞同你睇 9 点半呀。

J：(message 声) 大小姐话唔见佐个银包，叫我帮佢入房搵下。

C：爷爷嫲嫲呀，有无见我个银包呀？

珊：个女咪喺屋企囉。

爷：唔系几千尺，系成万尺。

C：好彩搵返，系 Ricky 送俾我架，唔可以唔见架,(影相)话俾佢听搵返现。

：你个妹呢？补习未返呀！Daddy 妈咪赶住睇戏呀。

C：我叫佢出黎食饭呀！

J：妹妹叫你地食先，佢话搵唔到对袜。

(爷、嫲、成、珊)：佢系屋企咩？

M：Julia 呀！你淨系挂住笃手机，两只袜鸳鸯嘅。

嫲：其实我应该住紧复试单位。

成：齐人啦，快 d 开饭啦。

(爷、嫲：食饭啦)

爷：今晚 d 菜心几靚啲（全家笃手机）

嫲：丫 d 蛋都好滑呀（C 对住手机甜笑）

爷：d 饭好硬呀！Julia 梗系落少佐水啦（M 在打机）

嫲：星期日呢表姑姐话好耐无见，想约埋我地全家去饮茶啲。

爷：全家 牙（着迹地）

嫲：系呀，全家呀！

爷：你个心抱唔知得唔得闲呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

嫲：佢可能要看医生呀！

爷：做咩看医生呀？

嫲：你见唔到佢只手抽筋咩？

爷：咁唔知你个仔得唔得闲呢？

嫲：你见唔到佢买紧马咩？可能中大钱唔会理 d 穷亲戚啦

(爷夹菜予嫲安抚)(message 声 4 声)

J：大小姐话汤要红萝卜，妹妹话要豉油，太太话要匙羹，阿 sir 话要多碗饭，啱晒啦可。

爷：佢地有讲过话要咩？

J：佢地 send message 俾我嘛

珊：未行得呀！我饮埋碗汤先啦。

嫲：吓死人咩，无啦啦叫

珊：唔好意思呀奶奶，佢头先 send message 催我行呀

成：行啦行啦

M：我都出去啦，Tina 生日，我成日

C：我同 Ricky 去食糖水

嫲：无阴功嚟，我住几千呎又点，几万尺又或者复试又点，我 d 仔呀孙呀，啞架，我做错乜嘢，d 子女呀孙呀，连手语都唔识。

爷：系咁架啦，佢地又佢地嘅，我地两老

(音乐起，灯灭，第一幕完)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二幕 Party Room (Mandy、Joey 在布置，Fion、Suki 在用电话)

M: Fion 呀，你地帮手啦，Tina 就到啦

F: 你叫 Suki 啦，我睇紧韩剧 BCC 大奖颁奖礼呀，give 黎架，我要同其他后援会成员支持 Lazy Girls 呀，仲要即刻 comments 先至系忠实 fans 嘛。你同 Joey 搞掂佢咪得囉。

J: Suki 呀，你吹起 d 气球未呀，你又玩紧 cooking ma ma，玩佐咁多年你唔厌架咩。

S: 你都唔知呀！真系 work 架，我妈都话我跟住个 game 试整果 d 芝士条系 OK 架。

M: 佢点止玩 cooking ma ma 呀，Candy Crush，Soda Crush，Jelly Crush 不停玩，玩完 Candy 到 Soda 又百 life 啲，Soda 都有晒 life，就到 Jelly 最后又到 Candy 有翻，临训同我 whatsapp 话玩晒 d life 就训，11 点玩到 3 点都未训。

F: 第二日返学咪由第一堂训到第七堂囉，俾叶 Sir 叫醒仲流晒口水。

J: 咦！好肉酸呀！

M: 俾 Dennis 偷影 post 上 IG，仲要俾佢男神 Jimmy 见到

S: 唔好提拉，好不好。

F: 同 Dennis 真系再无 friend 做呀。

S: 都唔系净系果次，佢真系好克人憎架，成日影佐我最丑个样 post 上网，仲要同人一起笑我，又话我扮有仙气，其实系猪扒仲嘅猪扒。

M: 网上 d 人个个都系咁架啦，无洗负责啊嘛，认真你就输啦。

J: 咁又唔系呀，睇唔到一件事，睇到真系训唔着，好像闹佢一餐，仲要系自己个 friend 啲。

F: 咁咪引起没完没了嘅骂战囉，之后 A 同 B 反面，B 同 C 反面，无晒朋友，好似你同 Dennis 真系好可惜呀，你地由幼儿园就系好朋友。

S: 认得耐又点呀，少佢一个唔少，我大把 friend，你睇我 Facebook 有 1200 个 friend 呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- M：果 d 都系 friend?你以为你睇个下佢地 d 生活相，你就参与过佢地嘅生活呀，佢地又无约你食饭？最多咪 like 下你张相，你生日喺你版面写下 happy birthday。
- J：仲要系 facebook admin 提佢，唔提佢都不记得。
- S：都唔系呀，我一 post 话唔开心，都有人安慰我，上次 Dolly 死佐，佢地都一句又一句 take care,RIP,都系撑我架。
- F：1200 个 friend 里面有 10 个 care 你嚟，有无人因为咁打俾你约你散心饮杯嘢倾下计呀，我就话面对面感觉先最真实，过黎玩层层迭啦。
- M：你就最中意层层迭呀，大富翁呀，苹果棋
- F：好过净系得只手指郁呀，仲睇坏眼，我第时一定要做视光师或物理治疗师，你第一个二个都要帮衬我（玩一阵层层迭），Tina 入状甚不快
- M：Tina 你咁迟架
- S：主角梗系最迟出场架啦
- J：你睇下我地布置得几靚
- F：你鬼有份，净系睇片，全部都系我同 Mandy 搅架
- M：喺，唔话得啦挂，买佐你最中意嘅栗子蛋糕
- S：知 Mandy 系 Tina Best friend 啦，Tina post 咩 Mandy 都 like 爆
- T：唔敢当（气氛一转），我边配有你 d 咁嘅朋友呀
- F：咩事呀，Tian 你有嘢唔开心呀，系呢 Brian 唔黎咩
- J：点可以无男主角架
- T：你地问 Mandy 嚟
- M：（尴尬）我点知呀
- T：Brian 话要同我分手呀
- S：分手？你地好地地咯，我日日都见到你喺 facebook 放闪，佢又送花，又送饰物。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

T：你唔知，你成日都同 Brian whatsapp 啦，你同佢打篮球班 friend 有个群组嘛，Brian 系咁讲我似港女，班 friend 一直叫佢飞佐我丫嘛，你无帮口不突止，仲叫佢唔好就晒我丫嘛。

M：咁佢同你相处真系又问题丫嘛

T：你呢头喺群组话叫佢唔好就晒我，同一时间系我地个群组叫我叫 Brian 唔好去打篮球陪我睇戏，系呀，我同佢相处有问题呀，问题就系你嚟

F：哗，乜你见人讲人话见鬼讲鬼话架

M：咁你想睇「我的名字」，又就黎落画，我地又陪唔到你，我先咁建议咋嘛。

T：我仲以为 Brian 咁有我心，知道我纪念日生日，d 咩节日咩节日钟意 d 咩，原来你私底下同佢 whatsapp，将我 d 心意讲晒俾佢知，你地一直瞒住我，喺我背后联络。上次我啱啱同你讲完话仲 keep 住 ex d 礼物，佢即刻喺我屋企搵到，一定系你话佢知啦。

J：乜你咁架

M：我系有同佢讲你想要咩礼物，佢话之前次次撞板，洗佐钱，你又唔钟意。

J：讲开又讲，你上次好唔开心喺学校，用电话俾老师罚留堂，但又 send 个哈哈笑喺我地群组，做朋友都无真心说话讲，难怪 Tian 黐你喎。

S：话时话，同你 whatsapp 你成日都系已读不回，明明 online 又唔应人

F：咁讲句公道话，whatsapp 无话要即刻覆，要即刻覆你做乜唔直接打电话？whatsapp 唔代表人地实时有 时间或空间覆嘅

M：你信唔信都好，我每句说话都系为你同 Brian 好

F：都话 whatsapp d 语气不清不楚架啦，好易有误会架啦，上次 Suki 明明话味千拉面咁难食有咩好食，但 Joey 就讲佐一大堆有饭有面又有饺子有烧饼，都易有误会啦。

S：Tina 你又知得咁清楚 Mandy 同 Brian d 对话内容嘅，哦！你 check Brian 部手机。

M：你地之间嘅相处咁多猜疑，佢 send 个 message 你又怀疑佢又第三者，宜家仲侵犯他人私隐

J：就系咁，Brian 知你搅佢手机同你闹交，话要同你分手，咁我都顶你唔顺啦



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

S：算啦，你之后喺 facebook 咪文青上身，又可以宣告单身，又有大把兵啦

T：总之我一定系 facebook 讲，我同 Brian 嘅分手系因为 Mandy，你等住俾全世界人闹啦。

（Tina 气冲冲离开）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三幕 (Carmen 与 Ricky 食糖水)(Ricky 在玩手机)

Ricky：网上话呢度个蜜瓜西米芒果捞好正，试下嚟

C：我想试杨枝甘露得啦

R：唔该一个蜜瓜西米芒果捞同杨枝金露 (R 继续打机)

C：Ricky，Simon 问我地下星期六去不去行山，我地去不去呀

R：(敷衍)，你话事啦

C：我医院果度唔知要唔要翻夜，唔知佢地行到几点？

R：你问下佢地嚟

C：(搵电话) 死啦，我无带电话呀

R：你搵清楚啦，成日都话唔见电话心慌慌一轮又搵返，自己吓自己

C：真系无呀！你打个电话俾我睇下有无？

R：我过埋呢关先啦，就得啦 (一边打)

R：输佐啦 (打俾 C)

C：打佐未啫

R：打佐啦，有无震呀

C：无啱，唉！真系无带

R：咁你即系唔知系咪返夜，仲覆唔到 Simon 啦

C：系嚟，无佐个电话咩都唔知，咩都做唔到嚟 (糖水送上) Ricky 开始打机、Carmen 无聊左望右望

C：你唔好挂住打机得唔得呀

R：哗！你平时咪又喺度煲剧，你连搭地铁等巴士、餐厅等位全部都煲剧，我又有无叫你唔好煲丫

C：平时你打机，我无嘢做先煲之嘛，我宜家无电话，你陪我倾下计得唔得呀

R：喂，台台都系咁架啦，哗！个蜜瓜西米芒果捞咁难食



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

C：都话 d 网评假架啦

(相对无言)(R 又取电话打机)

C：(超无聊) 我有个建议，不如下星期六拍拖果日，我地 24 小时都唔用手机，你估得唔得

R:你唔得嗱话

C：好，我地就接受挑战，听日唔准带电话，12 点宝林地铁站等

R：好啊！惊你啊！

C：今餐你请！

R：喂！等埋啊！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第四幕（宝林站，后幕显示）

R：你咁迟架，又唔打得俾你，又唔知你去到边？又唔知你系迟起身定时间唔啱定地点唔啱，急死我啦。

C：平时我都例迟架啦，驶乜咁急喎。

R：系你话唔带得手机架嘛，我平时等你可以打机，宜家越等越急，担心你有意外。

C：算你几紧张我啦

R：你今日想去边呀

C：等我做导游啦，行啦

（沿途不断说话，用相机拍照，后面屏幕展示不同游览景点，身边人不断笃笃笃，有人不小心跌倒，C、R扶起，沿途以圆圈表示不同地方，大棠枫叶，摘草莓、嗅嗅花香、看日落、去动物园，最后把相机相冲印成相集）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第五幕：(家中) Carmen 欢天喜地回家

C：咦阿妹，做咩发牛糞，你睇下今日我同 Ricky 去佐几多地方？有大棠枫叶呀！几靚，平时我淨係网上睇到相，原来实景睇窠靚架，再渗透 d 阳光，暖烘烘，好好 feel，好浪漫呀。

M：哗，晒相呀！我都唔知几耐无晒过相啦

C：系呢！去到相铺都唔识晒，试佐一阵先知

M：其实，实体相都几好丫（拎起全家福）成日睇到，手机果 d 都唔乜机会攞返黎睇

C：系啦，细个 d 生日相啦，麻麻爷爷每年都迫我地影生日切蛋糕相，然后一张张喺后面写日子，每年贴喺相簿，丫，系边呢？（四围找）

M：晒出黎系阻定 d，好过我丫，个电话跌佐落厕所咩相都无晒

C：做咩呀，仲为佐 Tina 件事唔开心呀！仲未好返？

M：吵到咁，佢同 Brian 又无得搵，佢一定当我系仇人，点会原谅我丫

C：家姐丫，人同人嘅关系真系好复杂，whatsapp 上面见到佢 online，觉得佢好近，好似就喺隔离，但佢又见到我 online，佢又唔搵我，我又唔 send message 俾佢，个感觉由朋友变佐陌路人。

M：人同人呢，唔太近唔太实时，个关系仲可以有 d 空间，有空间有距离可能仲靚，仲睇到对方嘅好。

C：都啱嘅，咩都实时实时，其实都唔知想清楚未，有时冲口而出，都无时间思考，撞板

M：对象可以有距离（放两只杯子）要拉近唔难，但人同人的距离唔系话拉就拉，要花时间建立先可以拉近。

C：我知，唔系你一个讯息我一个讯息，又或者你 like 下我，我 like 下你就得

M：你觉唔觉呢有时之前一晚喺 facebook 互俾 comments 俾佐 like，跟住第二日同个人见面，之前一晚 d 嘢好似无发生过咁呀

C：系呀！好似之前一晚发生嘅嘢系我幻想出黎咁

M：我同 Tina 嘅距离只系因为一次争执就变得无限遥远，宜家见到面好陌生，好似多年的友情都系假嘅咁



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

C：你无𨀉佢喺网上面同人讲你咩？其实佢地闹佐你成个星期啦啲

M：最初真系好𨀉架，但之后我决定唔睇唔理，越睇只会越唔开心，之后慢慢就唔想，个人都平静佐，听 Fion 讲，我唔响应无反应，d 说话都停佐，无人再提

C：虽然话 Tina 火遮眼，但佢只系喺网上面不停发泄，言多必败，人地更见到佢尖酸刻薄，佢都唔会有人想通佢交往啦

M：咦！你仲有去摘草莓呀，好看好新鲜啲

C：系呀！你闻下好甜几红？之前呢！咩都相机食先相机拍先，跟住即刻上 facebook，其实个专注净系放喺网上，有时个触感嗅觉都遗忘佐

M：有时仲有机会忽略佐身边有需要嘅人同事，好似我个手机烂佐，先发现嬷嬷个膝头已经痛佐两个月，我地都唔知。

C：系咩，一阵睇下，驶唔驶同佢看医生先，我今日同 Ricky 过佐个无手机嘅拍拖日，净系两个人嘅相处，讲下工作呀！讲下见到身边事物嘅睇法呀！讲下笑又讲下将来，个感觉近佐好多，唔系大家挂住打机煲剧

爷：咦，返佐黎呀

嬷：两姐妹咁多嘢倾

C：嬷嬷，阿妹话你只脚痛，仲有无事呀

嬷：唏！老人病风湿发作啫，食粒止痛药就好返啦

M：你地有唔舒服记得同我地讲呀，我地带你地去看医生呀

爷：两个孙几乖（对住嬷说）

珊：老爷奶奶食得饭啦（从门入）阿妹叫 Daddy 出黎啦

M：哦

爷：唔系 whatsapp 咩

珊：屋企个 WiFi 坏佐吗？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

成：返黎啦老婆，好肚饿呀，食啦食啦（全部埋位）

嫲：家嫂真系细心，知我钟意食豆腐就买红烧豆腐，老爷钟意中式牛柳又买俾佢食

嫲：星期日表姑姐话约我地饮茶，你地边个有时间去呀！

珊：好呀！好耐未见佢啦去北海啦，d 虾饺好靚架

C：好呀！我去搵位啦，你地慢慢有位先黎

M：我陪你搵丫家姐

成：Julia 返佐去一个礼拜啦 wor，有无消息呀

珊：佢淨系话要三口六面同个老公讲清楚，佢要照顾返 d 子女，之后同老公离婚啫

嫲：咁当面讲，好过喺电话讲得唔请唔楚

爷：d 臭男人唔底争，个老婆为头家离乡别井，仲要咁样伤佢心

M：其实 Julia 平时真系好忙架，我洗佐 3 日衫，都将 d 衫放错晒

C：搵张厕纸都唔方便

J：太太，屋企无佐 WiFi 咩

（全剧终）